

L E S

PROPOS QVE

LE ROY A TENVS A

CHARTRES, AVX DE-

putez de la Cour de Par-

lement de Paris.



A LYON;

PAR IEAN PILLEHOTTE

M. D. LXXXVIII.

Avec permission.

THE NEWBERRY
LIBRARY

LES PROPOS QUE LE
Roy a tenus à Chartres, aux deputez
de sa Cour de Parlement de Paris.

Case

F

39

326

1588 f. 4



A Roine ma mere m'a-
uoit fait entēdre, que vous
estiez assemblez, & deuiez
venir me trouuer : dont ie
suis bien aise, m'estant as-
seuré que vous n'eussiez voulu faillir,
vous estāt la premiere cōpagnie de mō ro-
yaume. ie me suis tousiours promis tou-
te fidelité & obeissance, telle qu'auiez por-
té par le passé à mes predecesseurs Rois,
comme à vostre Roy legitime, & naturel:
& scay que s'il eut esté en vostre puissan-
ce de dōner ordre aux choses passees, que
l'eussiez faiēt. ie suis marry de ce qui est
aduenu en la ville de Paris, toutesfois ie
ne suis pas le premier à qui tous ces mal-
heurs sont arrivez, & d'autant m'en des-
plaist-il, que despuis treize ou quatorze
ans que ie suis Roy, ie l'ay tousiours hon-
norée de ma demeure, ayant vſé de toute
douceur, & bonté enuers les habitans, &
m'ont tousiours experimenté pour bon
Roy, les ayant gratifié de ce que i'ay peu.
le

Ie scay qu'en vne si grande ville il y en a de bons & de mauuais : quand ils vseront de soubsmissons, & se recognoistront, ie seray prest de les receuoir & embrasser, comme vn bon pere ses enfans, & vn bon Roy ses subiects : vous y deuez tous travailler, car c'est la conseruation de la ville, de vous autres, de vos femmes, & familles. Au surplus continuez en vos charges, comme vous auez accoustumé. La Royne ma mere vous fera tousiours entendre ma volõté, à laquelle ie doibs beaucoup, non seulement ayant eu cest honneur que d'auoir prins d'elle naissance, mais aussi pour l'auoir recogneue par experience tressoigneuse de l'estat de mon Royaume.

*Le Roy nous renuoya querir apres
disner, & nous dict.*

IE vous ay r'enuoyé querir, pour auant que vous en aller, vous faire entendre (outre ce que ie vous ay dict ce matin) que i'estoy aduertý des propos que l'on a tenu, que ie vouloy mettre garnison en ma ville de Paris: ie suis fort esbay que cela leur est entré en l'esprit: ie scay que c'est

de garnisons: on les met ou pour ruiner vne ville, ou pour deffiance que l'on a des habitans: ils ne deuoient pas estimer que i'aye eu volonté de ruiner vne ville, à laquelle i'ay rédu tant de tesmoignages de bõne volonté, & que i'ay bonifiée par ma longue demeure en icelle, pour m'y estre tenu plus que dix de mes predecesseurs au parauant moy n'auoient faict: ce qui a apporté aux habitans, iusques aux moindres artisans, toutes les cõmoditez qui paroissent aujourd'huy, & dõt dix ou douze autres villes se pouuoient resentir: & où mes Officiers ont eu affaire de moy, & autres, comme marchans, ie leur ay fait plaisir, & puis dire que ie me suis monstré vers eux vn tresbon Roy. Moins pouuoy ie entrer en deffiance de ceux que i'aimoy, & desquels ie me deuoy assëurer, comme ie l'ay creu. Donques l'amitie que ie leur ay tesmoignée, deuoit leur faire perdre ceste soudaine opinion, que i'aye pensé de leur vouloir donner garnisons: & de faict il ne se trouue point, que personne soit entré ny mis le pied en aucune maison, ny prins vn pain, ny autre chose quelcõque: au contraire leur ay enuoyé biës, & ce qui leur estoit necessaire, & n'y eussent esté vingt quatre heures

heures au plus, qui eut esté iusques au len
 demain, sâs coucher ailleurs qu'aux places
 mesmes où ils estoient, cōme s'ils eussent
 campé. Le vouloy faire vne recherche exa
 cte de plusieurs estrangers, qui estoient en
 ma bonne ville de Paris, & ne desirant of
 fēcer persōne, i'auoy éuoyé aux seigneurs
 de ma Cour, mesmes à monsieur de Gui
 se, à fin qu'ils me baillassent vn roolle de
 leurs seruiteurs domestiques, & faire sor
 tir le surplus, que i'estoy aduertty estre en
 grand nombre, & iusques à quinze mil, ce
 que ie faiso y pour la conseruation de ma
 bonne ville de Paris, & seurté de mes sub
 iects. C'est pourquoy ie veux qu'ils recog
 noissent leurs fautes avec regrets & cōtri
 tion. Le scay biē que l'on essaye de leur fai
 re croire que m'ayant offencé, comme ils
 ont, mon indignation est irreconciliable:
 mais ie veux que vous leur faciez scauoir
 que ie n'ay point ceste humeur ne volōté
 de les perdre, & que comme Dieu, à l'ima
 gē duquel ie suis en terre, moy indigne, ne
 veut la mort du pecheur: aussi ne veux ie
 pas leur ruine. Le tēteray tousiours la dou
 ce voye, & quand ils se mettrōt en deuoir
 de confesser leur faute, & me tesmoigner
 par effect le regret qu'ils ont, ie les y rece-

uray, & les embrasseray, comme mes sub-
 iects, me monstrât tel qu'un pere vers son
 enfant, voire un amy. enuers son amy. Je
 veux qu'ils me recognoissent comme leur
 Roy & leur maistre: s'ils ne le font, & me-
 tiennent en longueur, fermant ma main à
 toutes choses, comme ie puis, ie leur feray
 sentir leur offece, de laquelle à perpetuité
 leur demeurera la marque. Car estant la
 premiere & principale ville honnoree de
 la premiere & supreme Cour de mon Ro-
 yaume, d'autres cours, priuileges, hōneurs
 & vniuersitez, ie puis (cōme vous scauez)
 reuoquer ma Cour de Parlement, Cham-
 bre des cōptes, des Aydes, & autres cours
 & Vniuersité, qui leur tourneroit à grand'
 ruine. Car cela cessant, lesdicts trafics &
 autres cōmoditez en amoindriroient, voi-
 re cesseroient du tout, comme on a veu e-
 stre aduenu en l'an mil cinq cēts septante
 & neuf, durāt la grand peste, pour mon ab-
 sence, & la cessation du Parlemēt, s'estant
 retiré grand nombre de mes Conseillers,
 iusques à ce que l'on vit en ladicte annee
 la pluspart des boutiques serrees & le peu-
 ple addōné à oisueté, employer le temps
 en jeux & berlās par les rues. Je scay qu'il
 y a beaucoup de gens de bien en ma ville
 de

de Paris, & que des quatre parts les trois
 sont de ce nōbre, que tous sont bien mar-
 ris du malheur qui est arriué. Qu'ils facēt
 donc que ie soye contēt, qu'ils ne me con-
 traignent pas d'vser de ce que ie puis, &
 & que ie feroy à grand regret. Vous sca-
 ués que la patiēce irritée tourne en fureur,
 & cōbien peut vn Roy offensé. l'emploie
 ray tout mon pouuoir, & ne laisseray au-
 cuns moyēs en arriere pour m'en venger,
 encor que ie n'aye l'esprit vindicatif, mais
 ie veux que l'on scache, que i'ay du cœur
 & du courage autāt qu'aucun de mes pre-
 decesseurs. le n'ay point encores, depuis
 que ie suis appellé à la coronne, par le de-
 cēz du Roy mon frere, & depuis mon re-
 tour de Polongne, vſé de rigueur & de se-
 uerité enuers personne. Vous le scauez, &
 en pouuez fort bien tesmoigner, ausi ne
 veux ie pas que l'on abuse de ma clemēce
 & douceur. le ne suis point vsurpateur, ie
 suis legitime Roy par succession, comme
 vous scauez tous, & d'une race qui a touſ
 iours doucement commandé. C'est vn
 compte de parler de la Religion, il faut
 prendre vn autre chemin. Il n'y a au mon-
 de Prince plus Catholique, ny qui desire
 tant l'extirpation de l'heresie que moy:
 mes

mes actions, & ma vie l'ont assez tesmoi-
gné à mon peuple. Je voudroy qu'il m'eut
cousté vn bras, & que le dernier hereti-
que fust en peinture en ceste chambre. Re-
tournez faire vos charges, & ayez touf-
jours bon courage. Vous ne deuez
rien craindre, m'ayant pour
vous. Je veux que leur fas-
siez bien entendre ce
que ie vous dis.

